

Banjir beransur pulih

KUALA LUMPUR: Kebanyakan mangsa banjir yang ditempatkan di pusat pemindahan di Terengganu dan Kelantan sudah dibenarkan pulang ke kediaman masing-masing berikutan keadaan beransur pulih.

Sehingga jam 6.30 petang semalam, bilangan mangsa banjir yang masih ditem-

patkan di pusat pemindahan di Terengganu hanya 119 orang dari 24 keluarga berbanding 3,171 pada sebelah pagi.

Berdasarkan portal banjir Majlis Keselamatan Negara (MKN), kawasan di Kuala Terengganu dan Dungun masih menghadapi banjir dan hanya pusat pemindahan di Sekolah Kebang-

saan (SK) Kompleks Gong Badak, Kuala Terengganu yang aktif.

Di Kelantan, keadaan banjir juga semakin pulih apabila hanya tinggal 30 mangsa dari lima keluarga ditempatkan di pusat pemindahan di Sekolah Kebangsaan (SK) Pengkalan Kubor 2, Tumpat berbanding 1,983 pada sebelah pagi.